




## Nýr Landspítali staða framkvæmda og fréttir af verkefninu

- **Útboð vegna uppsteypu bílakjallara undir Sóleyjartorgi**
- **Allt á fullri ferð við uppsteypu meðferðarkjarna**
- **Heimsókn heilbrigðisráðherra Gíneu ásamt föruneyti**
- **Umhverfis- og skipulagsráð Reykjavíkurborgar kynnir sér verkefnið við Hringbraut**
- **Kynning á verkefnum NLSH á hádegisfundi hjá Rótaryklúbbnum Reykjavík-Miðborg**
- **Kynning á framkvæmdaverkefnum NLSH hjá Rótaryklúbbnum Straumi Hafnarfirði**

# Útboð vegna uppsteypu bílakjallara undir Sóleyjartorgi



Stærð bílakjallarans verður um 7.500 m<sup>2</sup>

Nýr Landspítali ohf. óskar eftir tilboðum í opnu útboði vegna uppsteypu á bílakjallara undir Sóleyjartorgi, sem verður austan við meðferðarkjarnann.

Bílakjallarinn verður á tveimur hæðum og verða þar um 180 bílastæði fyrir þá sem eru að sækja þjónustu eða að koma í heimsóknir.

Um er að ræða opið útboð með skilgreindum takmörkunum um þátttöku. Verkið er liður í uppbyggingu nýs Landspítala við Hringbraut. Það innifelur uppsteypu tveggja hæða bílakjallara ásamt tengigöngum. Heildarflatarmál bygginganna er áætlað 7.500 m<sup>2</sup> og tilboðum skal skila inn fyrir 14. apríl næstkomandi.

Bílakjallarinn verður staðsettur milli meðferðarkjarna og fyrirhugaðrar byggingar dag-, göngu- og legudeilda Landspítalans austan við torgið.


Nánari upplýsingar um útboðið er að finna á vef Ríkiskaupa:

<https://utbodsvefur.is/uppsteypa-bilakjallara-og-tengiganga-vid-hringbraut/>

## Allt á fullri ferð við uppsteypu meðferðarkjarna



Hér má sjá fjórar af fimm stöngum(turnum) nýs meðferðarkjarna. Verið er að vinna í uppsteypu á 6. og síðustu hæð stangar 1 og stöng 2 er komin upp á 5. hæð



Yfirlitsmynd af uppsteypu nýs meðferðarkjarna. Hér má einnig sjá undirbúningsvinnu fyrir uppsteypu á tengigangi milli meðferðarkjarna og rannsóknarhúss

Góður gangur hefur verið í uppsteypu meðferðarkjarnans og á stöng 1, sem er vestast, er farið að móta fyrir sjóttu og efstu hæðinni. Þrepagangur er í verkinu í austurátt og stangirnar fimm kláraðar hver af annarri.

„Undanfarið hefur verið góður gangur í uppsteypu meðferðarkjarnans og voru fyrstu veggir 6. hæðar í vesturhluta steyptir í febrúar og áætlað að steypa fyrstu þakplötuna í mars. Helstu verkþættir sem nú eru í vinnslu við uppsteypuna eru við mótauppslátt, járnabendingu, eftirspennu og uppsetningu stálvirkis. Byrjað hefur verið á uppsteypu á öðrum af þremur tengigöngum sunnan meðferðarkjarna og uppsteypa tengiganga norðan meðferðarkjarnans er í fullum gangi, þar sem einnig er verið að fylla að neðri hæð ganganna. Steypuvinna í bílastæða- og tæknihúsi er hafin, þar sem þrifalagssteypu og framkvæmd bergbolta er lokið,“ segir Árni Kristjánsson staðarverkfræðingur Nýs Landspítala.

## Heimsókn heilbrigðisráðherra Gíneu ásamt föruneyti



Mikil ánægja ríkti með heimsókn heilbrigðisráðherra Gíneu á framkvæmdasvæði NLSH



Gengið var víða um framkvæmdasvæðið í heimsókn ráðherrans

Þann 10. febrúar heimsótti heilbrigðisráðherra Gíneu framkvæmdasvæði NLSH ásamt sendinefnd skipuð aðilum frá ýmsum fyrirtækjum og stofnunum. Gunnar Svavarsson, framkvæmdastjóri NLSH, tók á móti gestum og síðan hófst kynning á helstu framkvæmdaverkefnum NLSH undir stjórn Gísla Georgssonar og Ásbjarnar Jónssonar hjá NLSH. Að kynningu lokinni var farið í vettvangsferð um framkvæmdasvæðið þar sem Ásbjörn Jónsson og Ólafur M. Birgisson hjá NLSH fræddu gestina um framkvæmdirnar. Mikil ánægja var meðal gesta með heimsóknina.

## Umhverfis- og skipulagsráð Reykjavíkurborgar kynnir sér verkefnið við Hringbraut



Merki umhverfis – og skipulagsráðs Reykjavíkurborgar

Nýlega var haldinn kynningarfundur fyrir umhverfis- og skipulagsráð Reykjavíkurborgar af hálfu NLSH ohf. þar sem Gunnar Svavarsson og Sigríður Sigurðardóttir fóru yfir verkefni félagsins við Hringbraut og víðar á höfuðborgarsvæðinu s.s. nýbygginguna við Grensás.

NLSH hefur á síðustu árum reglulega haldið kynningar fyrir Reykjavíkurborg en skipulags- og byggingaryfirvöld í Reykjavík eru einn af helstu samstarfsaðilum NLSH í uppbyggingunni við Hringbraut. Góður rómur var gerður að kynningunni af hálfu allra aðila ráðsins og þótti ráðsmönnum verkefnið svo sannarlega vera á fullri ferð.

Í ráðinu eiga nú sæti: Alexandra Briem formaður, Hjálmar Sveinsson, Paweł Bartoszek, Áðalsteinn Haukur Sverrisson, Líf Magneudóttir, Hildur Björnsdóttir og Kjartan Magnússon.

## Kynning á verkefnum NLSH á hádegisfundi hjá Rótaryklúbbnum Reykjavík-Miðborg



Ásbjörn Jónsson, sviðsstjóri framkvæmdasviðs NLSH, kynnti framkvæmdir félagsins á næstunni

Þann 13. febrúar var haldin kynning á framkvæmdaverkefnum NLSH hjá Rótaryklúbbnum Reykjavík-Miðborg. Ásbjörn Jónsson, sviðsstjóri framkvæmdasviðs NLSH kynnti þau helstu verkefni sem fram undan eru hjá félaginu. Fundurinn var haldinn á Nauthóli og er hluti af fræðslufundum Rótaryklúbbssins.

## Kynning á framkvæmdaverkefnum NLSH hjá Rótaryklúbbnum Straumi Hafnarfirði



Mikill áhugi var á framkvæmdaverkefnum NLSH á morgunfundinum í safnaðarheimili Fríkirkjunnar í Hafnarfirði

Þann 16. febrúar var haldin kynning á framkvæmdaverkefnum NLSH hjá Rótarýklúbbnum Straumi í Hafnarfirði.

Kynningin var haldin í safnaðarheimili Fríkirkjunnar í Hafnarfirði þar sem Gunnar Svavarsson, framkvæmdastjóri NLSH, kynnti framkvæmdaverkefni NLSH.

Fundurinn var fjölsóttur og mikill áhugi meðal gesta á verkefnum NLSH.

## Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



## Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið [asbjorn@nlsh.is](mailto:asbjorn@nlsh.is)

Aðrar almennar upplýsingar veitir Magnús Heimisson samskiptastjóri NLSH, 866 1378 eða [magnus@nlsh.is](mailto:magnus@nlsh.is)

Sértækar upplýsingar veitir af hálfu Landspítala Andri Ólafsson 863 8595 [andriol@landspitali.is](mailto:andriol@landspitali.is) og frá Háskóla Íslands Björn Gíslason 896 0876 [bgisla@hi.is](mailto:bgisla@hi.is)



[nlsh.is](http://nlsh.is)

NLSH ohf. / Alaskareitnum við Burknagötu / Póstfang: Pósthólf 20, 121 Reykjavík  
Aðalnúmer 551 6010 / kt. 500810-0410 / [postur@nlsh.is](mailto:postur@nlsh.is)

*Höfundaréttur © NLSH ohf.*